



貝原先生註本  
糸竹管  
註

十六

□ 12  
989



門 989 卷

孝經總論

論孝為人道之本

人受天地之性而生焉故以天地之心為心所謂仁也天地之生理也仁者愛之理心之德也故仁主愛愛莫大於愛親仁之最親切者謂之孝仁人心也學所以求仁而孝則行仁之本也

孩提之童無不知愛其親可見孝者出于人心之自然而非強為也人道只在擴充此心而已及長無不知敬其兄敬兄之心即愛親之心也壯而事君無不知忠於君忠於君之心即事親之心也此無二心也無二道也仁此謂之仁宜此謂之義履此謂之禮樂此謂之樂知此謂之知推之為齊家為治國為平天下何莫不是出也况有父子而後



孝經集注總論

明治三十八年...

有君臣夫婦兄弟朋友故人之行莫大於孝莫先於孝其為五常之本百行之源明矣天地之性人為貴吾受其至貴於父母人稱萬物靈則其父母全而生之也人莫切于己莫愛于己其所為己之身體髮膚受之父母所謂父母生之續莫大焉乃昊天罔極之恩也鳥鳥及哺虎狼知養豺獾知報本以人可不如禽獸乎於戲堯舜大聖而為萬世之法其道不過孝悌而已由此而學之謂正學失此之謂偽學異端

論孝經之所以作

真西山孝經集義序曰夫孝者人心之固有也蓋三代以前理道明風俗一人皆曉然知孝之為孝聖王在上設禮教設司徒敷五教

以範防之俾勿失而已至孔子時則異矣故不得不詳其義以曉學者

孝經大全孫本曰夫子年七十二矣既不能行道當時而欲以此著之為經以詔來世故於燕閒之際以是經屬之曾子而曾子與門人詳記之

陳曉曰孝經止是曾子門人所記故中間稱仲尼居曾子侍朱鴻孝經曾疑曰孝經何為而作也夫子憂五等之孝未明於天下而作也夫子刪述六經垂憲萬世道無不載至事親儀則及祭義精嚴禮記諸篇又備載之矣但五等經常之孝古典未之傳聞夫子何從而刪述之也故思及門之徒曾子踐履篤實

孝行尤著是以呼其名而語之知其足以闡明斯孝也曾子於是欽承大命即與其徒編緝成經所以夫子曰吾志在春秋行在孝經夫子曰云云蓋春秋立一王之法孝經定五等之孝夫子志也行也後世謂子思樂正子公明儀之徒始成之則孝經未作之前夫子何以據曰行在孝經又有謂夫子假為曾子問答之言而自著之孫奭方說也尤可鄙笑

論古文今文之異

前漢書藝文志曰武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也孔安國書序曰至魯共王好治宮室壞孔子舊宅以廣其居於

壁中得先人所藏古文虞夏商周之書及傳論語孝經皆科斗文字註陸氏曰共王漢景帝子名餘云云科斗蟲名蝦蟆子書形似之

顏師古曰家語云孔騰畏秦法峻急藏尚書孝經論語於夫子舊堂壁中而漢記尹敏傳云孔鮒所藏二說不同孰是。新安陳氏曰按鮒騰兄弟亦藏書必同謀謂鮒藏可也謂騰藏亦可也

孝經集說序王偉曰當秦燔書時河間顏芝藏其書漢初芝子負出之河間獻王得而上諸朝案獻王亦景帝子共王兄也

朱鴻曰孝經一書有古文今文之別者何也武帝時魯共王壞

孔子屋壁得孔鮒所藏孝經二十二章皆科斗文字故為古文

孝經孔安國為之註今文孝經一十八章河間人顏芝所藏漢初芝子

貞出皆隸書故為今文孝經鄭玄為之註孝經大全那顏芝的雖在前邊出來只因字畫時樣反叫做今

文孝經

宋景濂曰古今文之所異者特語微有不同其文義初無絕

相遠者其所甚異唯閨門一章耳諸儒於經之本旨未見有所

發揮而獨斷然致其紛紜若此抑亦未矣

論當從古文

孫本曰或疑古文今文之辨孰為正釋曰古文正矣又曰談經

者當以古文為正又曰古文以孔子經出孔氏之壁如之何增

減也

王偉曰孝經與尚書同出孔壁世知尚書之真而疑孝經之異

何也又曰當世大儒司馬溫公范蜀公則皆尊信古文司馬公

為古文指解迨朱子為刊誤亦多從古文

故今因朱子考定古文孝經而作解

論不可分章第傳釋

孫本曰或疑諸家章第不同何也釈曰是皆起於傳釈之故也

方夫子口授曾子曷嘗以其章釈其句某句釈其字後儒欲便

教習故分章第或十八章或二十二章而聖言未嘗分裂固未

害也云云其出於一時問答審矣何傳叙之有云云又曰昔朱子刊誤首合七節為一章謂疑所謂孝經者止此其下則或者雜引傳記以叙經文乃孝經之傳夫曰疑曰或非敢斷以為是云云說者謂非定筆又曰經傳一分世儒遂紛紛其說而聖經自是裂矣故談經者惟當去其傳叙而叙次一以古文為當朱鴻曰章名起於漢唐傳叙倡於宋元均非孔曾之舊也今不若只依孔曾之舊悉去章名傳叙似於義尤精

朱鴻曰朱子刊誤經一章傳十四章刪去古文二百零二十三字

又曰孝經一書前後俱孔子之言未聞有某章叙某句之語

大全曰孝經起自仲尼間居於孝子之事親終矣統為一篇按漢藝文志首稱孝經古孔氏一篇可徵也乃孔子口授曾子一時問答之語故當時或引其端或廣其說或叙前言或發別義反覆論議惟期以盡孝之義而已並無章第亦不分經傳其中或間以子曰字則記者見夫子答問之外有更端以告者又有間歇而後告者故皆以子曰起之而意則未始不相貫也

論孝經宜讀

孫本曰或疑孝經迺童蒙習讀之書世有以淺近忽之者殊不知童蒙未曉道理然良知良能固自在也開蒙而先授以孝經則四德之本百行之原教從此生道從此達由是而為賢為

聖若舍孝經而遽讀他書何能進步此孝經所以為徹上徹下之書而學之所當先務者也

元熊禾孝經大義序曰噫人子不可斯須忘孝則此經自天子至庶人一日不可無之書

太全曰光武時令虎賁士習之明帝時令羽林悉通孝經章句是時不惟天下之經生學士而家誦戶習遍武人

伊川看詳武學制添習孝經或疑迂濶曰其添入者欲令武勇之士能知義理未足為迂濶

司馬溫公居家雜儀曰七歲始誦孝經論語

學的曰朱子八歲通孝經大義書八字於其上曰若不如此便

不成人

唐操每旦具冠帶誦孝經一遍然後視事佐政寬仁惡少感化庾子輿五歲讀孝經手不釋卷或曰此書文句不多何用自苦答曰孝者德之本何謂不多

拾遺

孝經集靈曰孝經自魏文侯而下至唐宋傳之者百家九十九部由元至今益又多矣○案孝經大全所載孝經註凡百七十家

文獻通考日本部宋雍熙元年日本國僧裔然之來彼得孝經一卷越王孝經新義第五一卷皆金縷紅羅標水晶為軸乃唐

太宗子  
越王貞

日本清和天皇貞觀二年正月大學博士春日雄繼授孝經於  
天皇（レ）來天子初讀書多用孝經

東鑑元久元年正月征夷大將軍源實朝始讀書用孝經中原  
仲業侍讀

孝經

朱文公較定

貝原元端纂註

孝者愛親天德之名爾雅曰善事父母為孝說文曰孝字從  
老省從子兼老也孝經大全曰老上子下斯象形矣經者聖  
人之書曰經文心雕龍曰三極彝訓其書曰經經也者恒久之  
至道不刊之鴻教也叙名曰經徑也言如徑路無所不通皇  
侃疏曰經常也○沈淮會通序曰孝者百行之本萬善之原  
也經者萬世不易之常道也○陳曉曰就本書中自有孝經  
兩字（有）有孝者天（而）而為書名况聖人之言也

仲尼間居（手）孔安國曰仲尼者孔子字也○朱申曰間居謂間



暇居處之時。董鼎曰：閒居燕居之時也。○古不諱字見于儀禮

曾子侍坐。江元祚曰：曾子，孔子弟子，曾氏名參，字子與，魯南

武城人。子者，曾子門人稱其師也。○疏云：卑者在尊者之側

曰侍。凡侍有坐有立，此即侍坐也。

子曰：正義曰：古者謂師為子。○吳註曰：孔門諸弟子稱師曰

子，諸弟子之門人稱其師則著氏以別之。此經曾子門人所

記稱其師既冠以氏，故於其師之師得專稱子。

參。朱申曰：呼曾子之名而語之。○陳曉孝經問對問孔子獨

與曾子說者，何對曰：曾參篤於孝，與諸子不同，故聖人因其

枕而篤焉。○董氏曰：孔子稱字，曾子稱名，師弟之義也。

先王 朱申曰：謂先代聖王。

有至德要道。吳註：至極也。德者得也，要總會也。道猶路也。德

謂己所得道，謂人所共由。○正義曰：以一管衆曰要。○孫本

曰：德則存於心，道則見諸事者。○董氏曰：自有極至之德，切

要之道，又曰德者人心所得于天之理，仁義禮智信是也。此

五者皆謂之德，而此獨舉其德之至道者，事物當然之理，皆

是，而其大目則父子也，君臣也，夫婦也，昆弟也，朋友之交也。

此五者，即仁義禮智之性，率而行之，以為天下之達道者也。

皆謂之道，而此獨舉其道之要道也。德也，一理也，見于通行

者，謂之道本于自得者，謂之德。德之至，即所以為道之要。

愚謂如人性中有仁義禮智皆德也率行之皆道也而此獨  
孝為德之至道之要者孝則仁也仁兼統之故孝為德之至  
道之要本孫本

以順天下民用和睦上下無怨吳註孝順德順道也以順德  
順道順天下者天子也順達于庶人則其內之兄弟夫婦外  
之比閭族黨麻者班爭順達于諸侯卿大夫士則為下者順  
事其上而上無怨于下為上者順使其下而下無怨于上天  
地之間一順充塞九族既睦百姓昭明黎民於變時雍人人  
親其親長其長而天下平唐虞成周之盛也  
女知之乎朱申曰汝曾參曾知此至德要道乎董氏曰引

而不發重其事而未欲遽言之也

曾子避席疏曰避所居之席起而對董氏曰禮師有問避  
席起對。孔安國曰凡弟子請業及師之間皆作而離席。  
吳註曰席坐席也曾子侍師而坐師有問故起避坐席而立

曰朱申曰答孔子言  
參又曰曾子自稱其名言

不敏何足以知之乎吳註曰敏速也不敏猶言遲鈍此辭讓  
而對也。朱申曰何足以知此至德要道也

子曰夫孝德之本教之所由生董氏曰至此方言出一孝字  
本立則道生移之以事君則忠矣資之以事長則順矣施之

于閨門則夫婦和矣行之于鄉黨則朋友信矣充拓得去舉天下之大無一物而不在吾仁之中無一事不自吾孝中出故曰教之所由生也。疏曰夫孝德之本也。紉先王有至德要道教之所由生也。紉以順天下民用和睦上下無怨。後坐吾語汝。董氏曰孝之義甚大而其為說甚長非立談可盡故使後位而坐而詳以告之。孔安國曰將聞大道欲其審聽故令還後本坐而後語之。夫避席答對弟子之執恭也。告令後坐師之恩也。

身體髮膚受之父母。董氏曰奉其大而言之則一身四體奉其細而言之則毛髮肌膚此皆受之于父母者。楊慈湖曰人咸以身體髮膚為己不知受之于父母孔子於是破其私有之窟宅而後其本心之太公人莫切于己莫愛于己因其愛己而啓之以受之父母則愛出于公。大全

不敢毀傷孝之始也。吳註曰毀謂虧辱。虧行傷謂破損。破損又曰身者親之枝故愛親必自愛身始。小學本註云聖人論孝之始以愛身為先。孟子曰失其身而能事其親者吾未之聞也。祭義樂正子春曰父母全而生之子全而歸之可謂全矣不虧其體不辱其身可謂全矣故君子頃步而不取忘孝也。又曾子曰身也者父母之遺體也行父母之遺體不敢不敬乎。論語泰伯篇曾子有疾召門弟子曰啓予足啓

予手詩云戰兢如臨深淵云云。正義曰為人子者常須戒慎戰兢恐毀傷此行孝之始也。虞淳熙曰毀傷自身就是毀傷父母。豈然不該貪生怕死。薛畏齋曰若有曾子之心即龍比之身首分裂與啓手啓足一般不然老死牖下亦與刀鋸僇辱無異。案曾子曰戰陳無勇非孝也然則虧行辱身雖不損傷其形體亦不孝也。蓋殺身成仁則孝在其中貪生失義者不孝之大者也。

立身行道 孔安國曰立身者立身於孝也。正義曰成立其身。論語已欲立小註朱子曰立是安存底意思又曰立字兼內外而言。愚謂成立自身之德循行彝倫之道。

揚名于後世以顯父母孝之終也 吳註曰揚傳播也使吾身

之名傳播于沒世之後而父母之名亦因以顯。正義曰使善名揚於後代以光榮其父母。小學纂疏曰非姑為是立身行道之事以求名也。蓋有實而名隨之。邢昺曰若行孝道不至揚名榮親則未得為立身也。全而歸之故傳留名譽于身後所以為孝之終也。

夫孝始於事親 司馬氏曰明孝非專事親而已愛親之真情五常之本百行之源故曰始於事親。

中於事君 孔安國曰四十以徃所謂中也。未四十則不往既七十則致仕故四十以徃為中大全曰以此大公至孝之心而事君無二道也。愚

謂君亦民之父母故移愛親之心以愛君所謂孝所以事君也○范氏日出則事君者在邦之孝也

終於立身直解曰忠孝兩全直到了做箇全人這便是立身的道理○愚謂守身者事親之本也然以立身終之何也張氏之言曰立身甚難自始學即為立身之事平生敬之慎之死而後已此曾子所以戰々兢兢也

大雅云無念爾祖聿脩厥德詩大雅文王篇孔安國曰無念念也聿述也言當念其先祖而述脩其德也斷章取義上下相成所以終始孝道不以敢懈倦者以為人子孫懼不克目前烈有累其祖故也○三山陳氏曰古人凡辭有只而意

無窮者多援詩以吟咏其餘意○正義曰詩存之事有富其義者則引而證之示言不虛發也○中江氏本邦江州人曰作孝經啓蒙此經引詩書有三義一證之示言不虛發也一用為結語一取咏嘆感發之意○愚謂祖字須兼父看蓋斷章取義與詩本意不同言不敢毀傷立身行道揚名顯父母等皆是思念其父祖以述修之事也

子曰愛親者不敢惡於人敬親者不敢慢於人明虞淳熙曰其中或間以子曰字則記者見夫子答問之外有更端以告者又有間歇而後告者故皆以子曰起之而意則未始不相貫也○吳註親謂父母不敢惡者愛之也人謂他人自王官

王族以至臣庶皆是不敢慢者敬之也。○大義惡者愛之及慢者敬之及又曰于是首言天子之孝天子者德教之所自出也為天子而愛其親者必于人無不愛而不敢有所惡于人敬其親者必于人無不敬而不敢有所慢于人。○真西山曰孝之為道不出愛敬二者而已推愛敬於親之心以愛敬人而無所疾惡慢易則天下之人皆在吾愛敬中。○愚謂實有愛親之孝者自能仁於民實有敬親之順者自能禮於人。是言自然之理非論工夫工夫在愛敬之上自此以下說五等之孝蓋愛敬立身之孝自天子至于庶人豈非有異而貴賤異等則其行孝之功不能無廣狹是理一而分殊也。

愛敬盡於事親。孫本曰孝不外愛敬愛敬乃此經之脈絡靡不通貫。○中江氏曰盡者極其全而無遺之意也。

而德教加百姓刑於四海。大義德教謂至德之教。○中江氏曰德教存神過化自然之教化也。○吳註曰已所得人所效曰德教加被及也。百姓以國言刑儀法也。四海以天下言。○直解德行教化。○疏曰百姓謂天下之人皆有族姓言百姓其多也。○爾雅曰九夷八狄七戎六蠻謂之四海疏曰海之為言晦晦闇於禮義也。○天子所以愛敬其親者如此其至則近而國中遠而天下皆視效之而無不愛敬其親焉是其德教被及于百姓儀法于四海也。  
臨川董鼎 ○案大學所謂上老

老而民興孝上長長而民興弟上恤孤而民不倍堯典所謂克明俊德以親九族九族既睦平章百姓百姓昭明協和萬邦黎民於變時雍是也

蓋天子之孝也

玄宗註蓋猶略也。正義曰孝道既廣此終

奉其太略也。孔安國曰蓋者彌辜較之辭也

正義劉炫云辜較猶梗槩

也。又陳其大綱則綱目必奉天子之孝道不出此域也。表

記曰惟天子受命於天故曰天子白虎通曰王者父天母地

亦曰天子天子禮莫以上未有此名殷周以來始謂王者為

天子也

甫刑曰 疏曰甫刑即尚書呂刑也尚書有呂刑而無甫刑孔

安國云後為甫侯故稱甫刑。書蔡傳曰呂侯為天子司寇

穆主命訓以詔四方孔穎達曰書傳引此篇語多稱甫刑者

呂侯子孫後改封甫後人以子孫國號名之追稱甫刑

一人有慶兆民賴之 玄宗御註一人天子也慶善也十億曰

兆義取天子行孝兆民皆賴其善。正義曰善則愛敬是也

○賴蒙也。孔安國曰天子稟命於天而布德於諸侯諸侯

受命而宣於卿大夫卿大夫兼教而告於百姓故諸侯有善

讓功天子卿大夫有善推美諸侯士庶人有善則歸之卿大

夫子弟有善移之父兄由上之德化也

在上不驕高而不危 大義在上在一國臣民之上驕矜肆也

高居尊位也危不安也。御註無礼為驕。小學衷者曰貴不與驕期而驕自至富不與侈期而侈自至。吳註危謂勢將隕墜。正義不至危傾也。吳註諸侯貴為一國之主其位之崇如自高臨下處之者易以危在臣民之上能不自驕則雖高不危謂不以陵傲召禍而致卑替。制節謹度滿而不溢。吳註曰制以刀裁物也節如竹節度如尺度有分限也溢如水之溢出富有一國之財其祿之豐如水滿器中持之者易以溢制財用之節能謹侯度則雖滿不溢謂不以僭侈費財而致虛耗。孔安國曰有制有節謹其法度。御註費用約儉謂之制節慎行禮法謂之謹度奢亦

為溢。正義制立節限慎守法度則雖充滿而不至盈溢也。高而不危所以長守貴。朱申曰則可以長保其為君之貴。滿而不溢所以長守富。又曰則可以長保其一國之富。富貴不離其身然後能保其社稷而和其民人。吳註保謂不亡失社土神稷穀神凡封建侯國為立社稷之壇而祭之。和謂不乖離。大義位尊曰貴財足曰富社稷國之主也諸侯初受封則天子賜之土使歸其國而立社稷以社土土稷主穀民生所賴以安養者也。正義天子太社東方青南方赤西方白北方黑中央黃土若封四方諸侯各割其方色土苴以白苴而與之諸侯以此土封之為社明受於天子也社土



神也稷者五穀之長亦為土神按左傳曰共工氏之子曰句龍為后土后土為社烈山氏之子曰柱為稷自夏以上祀之周棄亦為稷自商以來祀之言句龍柱棄配社稷而祭之即句龍柱棄非社稷也。疏曰稷壇在社西俱北鄉並列同管共門。

蓋諸侯之考。吳註諸侯謂五等國君公九命矣伯七命子男五命。

詩曰戰戰兢兢如臨深淵如履薄冰。詩小雅小旻篇。御註戰戰恐懼兢兢戒慎臨深恐墜履薄恐陷義取為君恒須戒慎。正義曰言諸侯富貴不可驕溢常須戒慎。孫本釋疑。

曰至諸侯之孝謂戰、兢、云者蓋諸侯思社稷民人之重故不敢驕溢敗度而後長守其富貴也。

非先主之法服不敢服。疏曰大夫立朝則接對賓客出聘則將命他邦服飾言行須遵禮典非先王禮法之衣服則不敢服之身。吳註服合禮制曰法。衣裳之制始于黃帝堯舜有虞制有周制天子公侯伯子男孤卿大夫之六冕服及士之弁服吳註謹之凡服上得兼下下不得僭上服服之也。孔安國曰服者身之表尊卑貴賤各有等差故賤服貴服謂之僭上僭上為不忠貴服賤服謂之偏下偏下為失位。非先主之法言不敢道。朱申曰道言也法言法度之言也。

非先王之德行不敢行 又曰非道德之行則不行

是故非法不言 吳註法即上文所謂法言○朱鴻曰先王制

服飾以辨等威垂謨訓而示鑑戒貽矩矱以作典刑皆法也

非道不行 吳註道即上文所謂德行

口無擇言 吳註所言皆法言則口無可揀擇之言

身無擇行 吳註所行皆德行則身無可揀擇之行○疏曰就

此三事之中言行尤須重慎是故非禮法則不言非道德則

不行所以口無可擇之言云云

言滿天下無口過行滿天下無怨惡 吳註口過謂言不合法出

口有差怨惡謂行不合道召怨取惡雖言滿天下在己亦無

口過雖行滿天下在人亦無怨惡卿大夫立朝則接對賓客  
出聘則將命他邦故言行滿天下

三者備矣 吳註三者服言行也人之相與先觀容飾次交言

辭後考德行孟子言服堯之服誦堯之言行堯之行意與此

同首服次言次行者蓋先輕而後重是故以下申言言行而不

及服者蓋詳重而略輕下文又以三者備矣總結之也

然後能肅其宗廟 韻會宗尊也古今註廟貌也所以彷彿先

人之容貌也說文廟尊先祖貌也○中江氏曰宗尊也廟貌

也言先祖之尊貌之所在也○吳註祭法卿大夫立三廟宗

字門中有宗廟之名也寢之前屋有東西廂者曰廟○朱申

曰可以長保祖宗之廟而為祭主

蓋卿大夫之孝也 自虎通曰卿之為言章也章善明理也太

夫之為言太扶扶進人者也故傳曰進賢達能謂之卿大夫

○吳註卿大夫謂王朝侯國之臣王之卿六命大夫四命公

侯伯之卿三命大夫再命子男之卿再命大夫一命

詩云夙夜匪懈 詩大雅烝民之篇。正義匪猶不也。朱申

曰自早至夜無有懈怠

以事一人 御註敬事其君也。○孫本曰夙夜云云者蓋出而

事君則致謹於言行而無時敢忘君也

資於事父以事母而愛同資于事父以事君而敬同吳註愛心

生于所親敬心生于所尊母之親与父同君之尊与父同故

一取其愛一取其敬。大義資取也取事父之道以事母其

愛母則同于愛父雖未嘗不敬也而以愛為主以父主嚴母

主恩故也取事父之道以事君其敬君則同于敬父雖未嘗

不愛也而以敬為主以君臣之際義勝恩故也。○梁王云天

子章陳愛敬以辨化也此章陳愛敬以辨情也疏。○中江氏

曰愛敬本相為表裏無敬之愛非天性之愛無愛之敬非天

性之敬故言愛則敬在其中矣言敬則愛在其中矣事母之

孝愛為表敬為裏事君之忠敬為表愛為裏

故母取其愛而君取其敬 其字指事父之孝

兼之者父也。吳註惟父親尊並至則愛敬兼隆也。朱鴻曰若夫父以恩則天親以義則嚴君故愛與敬兼之能及愛敬則孝矣。彙註

故以孝事君則忠以敬事長則順。疏曰長謂公卿大夫言其位長於士也。吳註士之位卑在上有天子諸侯為之君有卿大夫為之長皆已所當事者孝即愛也愛君為忠敬長為順。朱鴻曰移事父之孝事君則尽心無隱而為忠移事父之敬事長則循理無違而為順。彙註  
忠順不失以事其上。馬融曰忠者中也至公無私一其心之謂矣。中江氏曰順亦悌也記曰長憲幼順。吳註上謂君

與長在己之上也

然後能保其爵祿而守其祭祀。朱申曰可以保其官爵與其俸祿。疏曰祭者際也人神相交際也祀者似也謂祀者似將見先人也又曰稱保者安鎮也守者無逸也社稷祿位是公故言保宗廟祭祀是私故言守也。吳註士有田祿則得祭祀其先故庶人薦而不祭士無田則亦不祭其祿位與祭祀相關。大義曰君言社稷鄉大夫言宗廟士言祭祀各以其所事為重。

蓋士之孝也。說文曰數始於一終於十孔子曰推一合十為士。白虎通曰士者事也在事之稱也傳曰通古今釋然不

然謂之士疏。○吳註士謂王朝族國之小臣及卿大夫之家  
臣王之上士三命中士再命下士一命公侯伯之士一命子  
男之士不命

詩云夙興夜寐無忝爾所生。詩小雅小宛篇。○朱申曰早而  
起夜而卧無辱其所生父母也。○無與母通禁止辭。○孔安  
國曰當夙起夜寐進德脩業以無忝辱其父母也。

子曰用天之道。大義天之道謂天道流行為春生夏長秋收  
冬閉之運也。我則以春耕以夏耘以秋收以冬藏此之謂用  
天之道也。

因地之利。吳註利謂五土之宜因地之次衍隰臯而稻梁黍  
稷各隨所宜分地利也。○江元祚曰高田種粳低田種晚燥  
處宜麥濕處宜禾田硬宜豈山畚宜粟隨地所宜無不栽植  
此便是因地之利。

謹身節用。吳註謹慎其身不為非僻不犯刑戮用財有節量  
入為出以給父母之衣食俾無闕供也。○江元祚曰念我身  
父母所生宜自愛恤莫作罪過莫犯刑責。○又曰謹身則不  
憂惱父母節用則能供給父母。○朱子曰能行此三句之事  
則身安力足有以奉養其父母使父母安穩快樂  
以養父母。彙註不惟能養父母之口體而養志亦在其中。  
中江氏曰以謹身節用也養包口體志言謹身所以養志

也節用所以養口體也。江元祚曰：父母也，七保守遺體，勤修祭祀，與孝養一同。小學纂疏：天子有四海，諸侯有國，卿大夫有家，士有祿，不患其不能養而愛敬之道在焉。庶人非力則無養。

此庶人之孝也。正義曰：自天子至士，孝行廣大，其章畧述，宏綱所以言蓋也。庶人用天因地，謹身節用，其孝行已足，故曰此。御註：庶人為孝，唯此而已。案自天子至士之孝，間有可通行者，其各所為任者亦太略也。故皆曰：蓋唯庶人之孝，非可通行者，而專庶人之責也。故直指曰：此。庶人泛指眾人，士以下皆謂庶人。孫本曰：庶人，獨不引經者，以其無疑故。

不必徵也。江元祚曰：此章凡二十二字，今鑿小枝，頒於父老勸衆朝，誦念字，奉行如此，則在鄉為良民，在家為孝子。

故自天子以下至於庶人。孔安國曰：故者，故上陳孝五章之義也。自字至字內，諸侯卿大夫士皆在。董鼎曰：唐玄宗云：五孝之用，則別而百行之源不殊。

孝無終始而患不及者，未之有也。吳註：孝之終謂立身，孝之始謂事親，孝無終始謂不能事親立身。直解：孝無終始者，行孝有頭沒後。小學章句曰：天子諸侯卿大夫甚則失其天下國家，不甚則亦遭危亂，而士庶人必災禍及其身。董

鼎曰上自天子下至庶人各盡其孝而有終始則福必及之如前所云者苟或雖知為孝而無終始則禍必及之蓋所謂孝者雖有五等之別實為百行之本其始於事親終於立身則天子至庶人一而已故夫子通設此戒以結上文之旨云○正義曰自古至今未有此理蓋是勉人行孝之辭也

曾子曰其哉孝之大也 明唐淳熙曰曾子平日但知孝在保身而不知通於天下若此故贊之曰其哉孝之大也○曾子聞夫子之教而有見於孝道之大故有此贊美

子曰夫孝天之經地之義民之行 朱申曰在天為經常之理在地為利物之義在民為百行之首○董氏曰天以陽生物

父道也地以順承天母道也天以生覆為常故曰經地以承順為宜故曰義人生天地之間稟天地之性如子之肖像父母也得天之性而為慈愛得地之性而為恭順慈愛恭順即所以為孝故孝者天之經地之義而人之行也○註疏曰利物為義地之道順承天而成物利莫大焉○朱鴻曰在民則為懿行五常由之而為德之本

天地之經而民是則之 御註天有常明地有常利言天法則天地亦以孝為常行也○朱鴻曰天地經常不易之道而民法則之所謂性也○吳註則效法也蓋孝者天地之理民效法而行之既分言天經地義又總言天地之經則義在其中

矣。○愚謂則有物有則之則民則之者民之秉彝也

則天之明。吳註上文言民以天地之理而為行此言聖人以

天地之理而為教也明理之顯著者則所謂經也。○天之明

則天之明命易所謂乾道變化各正性命是也

因地之利。中江氏曰因遵依也。與水土之襲同。易曰坤主

利。又曰利者義之和。言地之生物順天理之宜而無所乖戾

是以無不利。故以利為地道之稱。

以順天下。直解曰將來順著百姓自然的孝心。○朱申註順

此以施政教於天下。○法天明因地義以此和順天下之民

所謂協和萬邦也。

是以其教不肅而成其政不嚴而治。肅敬肅也嚴厲也。○

吳註教者化誨而使之效。政者勸禁而使之正也。肅言其聲

容嚴言其法令信從其教之謂成服從其政之謂治。○大義

其為教也不待戒肅而自成其為政也不假威嚴而自治無

他者。孝者天性之自然人心所固有是以政教之速化如此。

先王見教之可以化民也。字彙以道業教人謂之教躬行于

上風動于下謂之化。○蔡虛齋曰教因其不能而教之也化

則不能者能矣。○案修道之曰教先王見得孝道之教可以

化民人。

是故先之以博愛而民莫遺其親。朱鴻曰先推愛親之心以



博愛其民而民皆法則之施由親始無有遺棄其親者。虞  
淳熙曰先王把愛父愛母極大的愛來順天下天下人自然  
不忍遺棄其親

陳之以德義而民興行。孔安國曰陳布也布德誼以化天下  
虞淳熙曰將此在愛之所統喚做德義的。朱鴻曰陳說德  
義之美以感動民心民皆只起于行而奮發勇為無有其子  
暴棄者

先之以敬讓而民不爭。朱申曰先以恭敬謙讓率民而民無  
有相爭鬪者  
導之以禮樂而民和睦。導開導也。真西山曰敬者禮之本

制度威儀者禮之文和者樂之本歌舞八音者樂之文。北  
溪陳氏曰就心上論禮只是箇恭敬底意樂只是箇和樂底  
意。朱鴻曰導民以禮而節其行道民以樂而平其情禮陶  
樂和內外交養民便自然和順親睦

示之以好惡而民知禁。示垂示也又告也教也。朱鴻曰又  
示以善之當好惡之當惡善則有慶賞惡則有刑威民便怕  
犯禁令從其好而違其惡也。孔安國曰好謂賞也惡謂罰  
也賞罰明而法禁行。虞淳熙曰博愛曰德義曰敬讓曰  
禮樂曰好惡乃先王之教也曰莫遺親曰興行曰不爭曰和  
睦曰知禁乃先王之化民也

詩曰赫赫師尹民具爾瞻詩小雅節南山篇○朱申曰尹氏為太師其位赫々然顯盛也○孔安國曰太師周之三公也○朱子曰言在上者人所瞻仰不可不謹○虞淳熙曰尹氏不過是太師百姓且瞻望他况天子為四海具瞻可不立敬以化民乎

子曰昔者明王之以孝治天下也本義曰昔者謂先代明王明哲之主○吳臨川曰以孝治天下謂天子能孝于先王而推其愛敬于一家一國以及天下之萬國也不敢遺小國之臣而况於公侯伯子男乎孫本曰不遺者愛也不敢遺者敬也○吳註遺謂忘之而不省錄小國之臣謂

子男之卿大夫○朱鴻引董氏曰不敢之心即祇慎之誠即經言天子之孝不敢惡慢于是也○大義曰小國之臣謂土地褊小不能五十里附于諸侯曰附庸是也○孟子曰公一位侯一位伯一位子男同一位云云公侯皆方百里伯七十里子男五十里凡四等不能五十里不達於天子附於諸侯曰附庸又曰大國地方百里次國地方七十里小國地方五十里○疏曰公者正也言正其事侯者侯也言斥侯而服事伯者長也為一國之長也子者字也言字愛於小人也男者任也言任王之職事也故得萬國之懽心以事其先王大義曰合大小之國極言其

多故曰萬國。正義曰經先王有六皆指前代行孝之王此章先王指行孝王之考祖。朱申曰能得萬國諸侯懽悅之心諸侯各以其職來助祭於先王。吳臨川曰天子無生親可事故以事其先為孝。

治國者不敢侮於鰥寡而况於士民乎。太義曰此言諸侯之孝治諸侯治一國者也老而無妻曰鰥老而無夫曰寡此二者則所謂天下窮民與夫疲癯殘疾顛連無告皆在矣侮慢忽也一命己上為士民則農工商賈也諸侯有卿大夫只言士民亦舉小以見大耳。朱鴻曰侮謂忽之而不矜恤。故得百姓之懽心以事其先君。董氏曰百姓或謂百官族姓

或謂民之庶姓亦之為備。玄宗註諸侯能行孝理得所統之懽心則皆恭事助其祭享也。疏曰所統之人則皆恭其職事獻其所有以助祭於先君。吳註諸侯亦無生親可事故以事先君為孝。

治家者不敢失於臣妾而况於妻子乎。董氏曰此言卿大夫之孝治士庶人亦并舉矣吳註能孝于親而推其愛敬于一家之人也失謂不得其心臣妾家之賤者妻子家之貴者。疏曰臣妾是奴婢之賤者。劉炫曰遺謂意不存錄侮謂忽慢其人失謂不得其意小國之臣位卑或簡其禮故曰不敢遺也鰥寡人中賤弱或被人

輕侮欺陵故曰不敢侮也臣妾管事產業宜須得其心力故曰不敢失也

故得人之惟心以事其親 吳註人通妻子臣妾而言玄宗

註能孝治其家則得小大之惟心助其奉養

夫然故 正義曰此總結天子諸侯卿大夫之孝治也○董氏

曰此總結治天下國家三節夫然猶言惟其如此也故猶言

是以如此也

生則親安之祭則鬼享之 正義曰親若存則安其孝養沒則

享其祭祀○大義曰生謂父母存時祭謂沒後奉祀安者其

心無憂喜者其魂來格人死曰鬼氣屈而歸也○虞氏曰凡

人含怒忍辱屈意服事于人面前必有不甘心的顏色背後

必有不甘心的言語受他服事享用終不安樂如今聚着這

許多惟心事生存的父母父母心裏也惟悅有甚不安樂處

聚着許多惟心去事亡過的父母父母的神靈也惟喜有甚

不歡享處

是以天下和平災害不生禍亂不作 吳註舉天下則國家在

其中又曰天災之甚者為害人禍之甚者為亂○董氏曰普

天之下既和且平和則無乖戾之氣故災害不生平則無悖

逆之事故禍亂不作災害如水旱疾疫生于天者也禍亂如

賊君弑父作干人者也○直解曰天道和便災害不生人心

順便禍亂不作

故明王之以孝治天下如此 朱申曰明王以孝道治天下其

效有如上文

詩云有覺德行四國頌之 詩大雅抑之篇覺大也詩箋云有

大德行則天下順從其化 〇玄宗註天子有大德行則四方

之國頌而行之 〇正義曰夫子述昔時明王孝治

之義畢乃引詩贊美也

曾子曰敢問聖人之德其無以加於孝乎 曾子既有見乎德

無以加於孝故以正於夫子

子曰天地之性人為貴人之行莫大於孝 吳臨川曰性者人

物所得以生之理行人之所行也人物均得天地之氣以為

質均得天地之理以為性然物得氣之偏而其質塞是以不

能全其性人得氣之正而其質通是以能全其性而與天地

一故得天地之性者人獨為貴物莫能同也性之仁義禮智

統于仁仁之為愛先于親故人率性而行其行莫大于孝也

〇虞氏曰天地生之之心叫做性天地之性就是人人比天

地一般何等尊貴真非萬物可比 〇正義性生也言天地之

所生唯人最貴也 〇禮運曰人者五行之秀氣也尚書人萬

物之靈 〇荀子曰水火有氣而無生草木有生而無知禽獸

有知而無義人有氣有生有知亦有義故最為天下貴也

孝莫大于嚴父嚴父莫大于配天則周公其人也 正義曰孝  
行之大者莫大於尊嚴其父。大義曰嚴尊敬也配合也周  
公文王之子武王之弟成王之叔父名且食米于周位三公  
故稱周公人子之孝于親者無所不至而莫大于尊敬其父  
尊敬其父者亦無所不至而莫大于配享上天惟天為大尊  
無與對而能以己之父與之配享所以尊敬其父者至矣極  
矣然仁人孝子愛親之心雖無窮而制禮之節則有限求其  
能盡孝之大而嚴父以配天者則惟周公其人也。○中江氏  
曰其人猶言行嚴父配天之孝人也。○疏曰按禮記有虞氏  
尚德不郊其祖夏殷始尊祖於郊無父配天之禮也周公大

聖而首行之。○一程全書四十粹言曰或問嚴父配天何以  
不言武王而曰周公其人也程子曰周家制作皆自乎周公  
故言禮必歸焉。○吳註陵陽李氏曰此言周公制禮之事爾  
猶中庸言周公成文武之德追王大王王季也。○孝經釋疑  
曰論孝之極必當及孝之量今載籍中論大孝之親切者莫  
如孟子孝子之至莫大乎尊親尊親之至莫大乎以天下養  
云云更有宗祀文王如周公者乃為尊養之極配上帝者尊  
之至也四海來祭者養之至也孝之分量所及至於如此而  
非有加於孝之外也夫子以此明聖德無加於孝至親切矣  
然豈欲人之行孝必如此哉周公亦會逢其適而已。○彙註

虞氏曰雖大聖人也只是此心性又豈能在人性上添一物  
 乎當初周公但制禮文後人止要明白禮義豈宜借用禮義  
 悟得此禮義透徹人人可以事父配天不必周家父子時  
 可以事天事親不必冬至季秋○中江氏曰以所以事天之  
 道事其親此之謂配天孟子曰存其心養其性所以事天也  
 即首章不敢毀傷身行道全存心法也記曰仁人之事親  
 也如事天事天也如事親是謂孝子成身由是觀之雖行拜  
 伏敬聽之敬不以所以事天事其親則非嚴父之至故曰嚴  
 父莫大於配天必勿在郊祀宗祀上而講配天郊祀宗祀只  
 是配天之至極而周公之所獨也

昔者周公郊祀后稷以配天宗祀文王於明堂以配上帝正  
 義曰前陳周公以父配天因言配天之夏昔武王既崩成王  
 年幼即位周公攝政因行郊天祭禮○大義曰郊祀祭天也  
 祭天于南郊故曰郊后稷舜之臣名棄舜命為稷使教民播  
 種百穀始封于郟為諸侯君其國故稱曰后稷是為周之始  
 祖文王木王之孫王季之子武王之父名曰明堂王者出政  
 布治之堂南面向明故曰明堂宗祀謂宗廟之祭也天以形  
 体言上帝以主宰言天子言昔日周公之制禮也郊祀祭天  
 則以后稷配尊后稷猶天也宗祀祭帝則以文王配尊文王  
 猶帝也○吳臨川曰郊者國門之外宗者文王之廟明堂者

廟之前堂凡廟之制後為室室則幽暗前為堂堂則顯明故曰明堂享人鬼尚幽暗則于室祀天神尚顯明故于堂也上帝即天也祀之于郊則尊之而曰天祀之於堂則親之而曰帝冬至於國門外之南郊築壇為圓丘祀天以始祖后稷配季秋于文王廟之前堂祀帝而以文王配后稷封于邠周家有國之始文王三分天下有其二周家有天下之始故以后稷配天文王配帝也明堂之名制見大戴禮周禮朱子有明堂說  
○朱子語類曰周公創立一箇法如此將文王配明堂永為定例以后稷郊推之自可見○又曰問帝只是天天只是帝却分祭何也曰為壇而祭故謂之天祭於屋下而以神祇祭

之故謂之帝

是以四海之內各以其職來助祭夫聖人之德又何以加於孝乎

吳臨川曰四海之內謂四方諸侯其職謂土物之貢疏曰各以其職來助祭者四海之內六服諸侯各修其職貢方物也按周禮大行人以九儀辨諸侯之命廟中將幣三享又曰諸服貢禮物鄭云犧牲之屬甸服貢嬪物註曰絲帛也男服貢器物註曰尊彝之屬也采服貢服物註曰玄纁絺纈也衛服貢材物註曰八材也要服貢貨物註曰龜貝也此是六服之諸侯各修其職來助祭又若尚書武政篇曰丁未祀於周廟



邦甸侯衛駮奔走執邊豆亦是助祭之義也○朱子曰此因  
論武王周公之事而贊美其孝之辭非謂凡為孝者皆欲如  
此也况孝之所以為大自有親切處而非此謂乎若必如此  
而後為孝則是使為人臣子者皆有今將之心而反陷于大  
不孝矣讀者不以文害意焉可也○太義曰周公之所以尊  
敬其祖父如此是以德教刑于四海四海之內為諸侯者各  
以其職分所當然皆來助祭孝道之感人若此則夫聖人之  
德又有何者可以加於孝乎○正義曰周公聖人首為尊父  
配天之禮以極於孝敬之心則聖人之德又何以加於孝乎  
○中江氏曰雖聖人之峻德充孝德本然之量而已故曰聖

人之德又何以云云

故親生之膝下以養父母曰嚴玄宗註親猶愛也膝下謂孩

幼之時也言親愛之心生於孩幼比及長年漸識義方則日  
加尊嚴能致敬於父母也○直解曰大凡人之兒子幼小時  
節在父母的膝下便有那親愛的心尚未知有嚴敬的心及  
到長成時知道奉養父母方纔逐自生將嚴敬的心出來○  
朱申註以養父母曰嚴能敬養於父母也○正義曰此更廣  
嚴父之由

聖人因嚴以教敬因親以教愛直解曰聖人因人子元有那  
嚴敬的心教他去行恭敬因人子元有那親愛的心教他去

行親愛聖人教人行孝只順着人的天性不是去勉強他○  
吳註因其固有而教之耳

聖人之教不肅而成其政不嚴而治○大義曰所以教之愛敬者不過啓其良心發其善性而非有所待乎外也故其教不待肅而自成其政不待嚴而自治○正義曰聖人因之以施政教不待嚴肅自然成治也

其所因者本也 其指政教○朱申曰由政教之所因者本於孝也○孔安國曰以其皆因人之本性故也○彙註朱鴻曰夫曰因則非強世曰本則非外鑠

子曰父子之道天性君臣之義 吳註父慈子孝天性之本然

父尊子卑又有君臣之義亦天分之自然也○易家人卦曰家人有嚴君焉父母之謂也是謂父母為嚴君也○大義曰此節雖別以子曰字更端是兼上節之意父子之道天性謂親也君臣之義謂嚴也○太學曰孝者所以事君也慈者所以使衆也亦此之謂也

父母生之續莫大焉 吳註人子之身氣始于父形成于母其體連續是為至親無有大于此者○朱申曰傳體相續人倫莫大於此○正義曰按說文云續連也言子續於父母相連不絕也

君親臨之厚莫重焉 張氏曰父之於子至親之中有君道焉

不惟愛之而已。養育之教誨之實。家人之嚴君也。○吳註曰：家人有嚴君焉。父母之謂也。既為我之親，又為我之君。而臨乎上，其分隆厚，是為至尊，無有重于此者。○玄宗註：父為君，以臨於己，恩義之厚，莫重於此。

故按諸本有故字。安國註無故字。有子曰：文公考定作子故。

曰

不愛其親而愛他人者，謂之悖德。不敬其親而敬他人者，謂之悖禮。

大義曰：親親而仁民，仁民而愛物，如水之一源，如木之一根。千派萬枝，皆其發也。孟子一本之說如是。○小學章句曰：德

主於愛而莫先愛親禮，主於敬而莫先敬親。反是則為逆。○吳註：悖逆也由本及末為順，舍本趨末為逆。○虞氏曰：若不愛其親，反愛他人，愛雖是德也，只叫做悖德。若不敬其親，反敬他人，敬雖合禮也，只叫做悖禮。○大凡道理順則吉，逆則凶。悖德悖禮是二種凶德也。朱申以為悖逆於德禮也。

以順則逆，民無則焉。直解云：聖人教人行孝，本是順的。勾當今自家逆了教，百姓如何做法則。○朱申曰：人君教愛敬，當由親而及人，然後為順。今乃逆而施之，則民何所取法也。○一說以順則句逆，民無則。

不在於善而皆在於凶德。朱申曰：此身不在愛親敬親之善。

而皆在悖德悖禮之凶德也。正義曰：在謂心之所在也。

雖得志君子所不貴也。志字諸本作之，今從孔安國本。朱

申曰：雖得志於人上，非君子之所貴。○疏云：不貴賤惡之也。

○孔安國曰：不義而富貴於我如浮雲。

君子則不然。君子則不悖德悖禮而盡愛敬事吾親者也。

言斯可道。江元祚曰：古文孝經思字作斯，覺安。○斯字語助。

辭。○玄宗註：道言也可言而後言，則人必信。○朱鴻曰：以愛

敬之德發之于言，則言為可道。

行斯可樂。玄宗註：可樂而後行，則人必悅。○正義曰：樂謂使

人悅服也。○朱鴻曰：以愛敬之德措之于行，則為可樂。

德義可尊。玄宗註：立德行義不違正道，故可尊。○疏云：德者

得於理也。義者宜於事也。得理在於身，宜事見於外，故能為

人所尊也。

作事可法。孔安國曰：制作事業，動得物宜，故可法也。

容止可觀。又曰：容止威儀也。○玄宗曰：必合規矩，則可觀。○

直辭容顏舉止可以教人觀瞻。

進退可度。玄宗曰：進退動靜也不越禮法，則可度也。○孔安

國曰：度，禮法也。○朱鴻曰：以著行威進退可法度也。

以臨其民，是以其民畏而愛之，則而象之。則效法也。象，摹擬

之也。○朱申曰：人君行此六者，以臨下民，所以其民畏君之

威愛君之德皆以君為法則而做象之

故能成其德教而行其政令 其字諸本或有或無○玄宗註

上正身以率下下順上而法之則德教成政令行也

詩云淑人君子其儀不忒 詩曹風鴈鳩篇○玄宗註淑善也

忒差也義取君子威儀不差為人法則○朱鴻曰必有瑟僂

之德而後有赫喧之威儀故云淑人君子其儀不忒

子曰孝子之事親 孝子則記所謂孝子之有深愛者是孔子

言孝子事親之始終

居則致其敬 正義曰致猶盡也平常居處家之時也當須盡

於恭敬○大義曰致者推之而至其極也○朱申曰平居則

盡其恭敬○愚謂居謂子在父母之所而家居之時致其敬

如昏定晨省聽於無聲視於無形嚶之齊慄之類凡敬親之

心無不至○孝經集解孝子之事親也隨在各極其致隨事

悉盡其心

養則致其樂 大義曰養謂飲食奉養之時○案養謂子受甲

祿以奉養父母之時○大義曰樂者歡樂悅親之志也○曾

子曰孝子之養老也樂其心不違其志樂其耳目安其寢處

以其飲食忠養之○正義曰若進飲食之時怡顏悅色致親

之孝下氣怡色柔色以溫皆是也○小學句讀云樂謂愉也

婉容案此說致吾心之樂以養親也蓋如此則其字皆一例

俱指子之心。○王荊公詩云古人一日養不以三公換

病則致其憂。直解父母有疾病時則要調護醫治盡那憂慮

喪則致其哀。大義曰喪謂不幸親死服其喪也哀哀感追念

痛切也

祭則致其嚴。直解時節祭祀時則要齋戒沐浴盡那嚴謹

五者備矣然後能事親。朱申曰敬樂憂哀嚴五者皆全備然

後能盡事親之道。○中江氏曰能字有力如有所未備則非

能事親也。○子曰至此教之以善也

事親者居上不驕。直解曰在衆人上面休要依勢驕傲。○大

義曰居人上則莊敬以臨下而不可驕矜。○小学衷言此節

言守身乃所以事親

為下不亂。董氏曰為人下則當恭謹以事上而不可悖亂。○

直解曰在衆人下頭休要犯上作亂

在醜不爭。吳註醜衆也謂與已同等者也。○董氏曰在己之

醜類等夷則當和順以處衆而不可爭競

居上而驕則亡。吳註居人之上而矜肆以陵下則必取滅亡

為下而亂則刑。吳註為人之下而悖逆以犯上則必遭刑戮

在醜而爭則死。吳註兵謂相及在同等之中而與之鬪爭則

必相戕殺

此三者不除雖日用三牲之養猶為不孝。三牲牛羊豕也。○

吳註驕亂爭三者皆喪身之事苟或不除則親之遺體將不能保雖曰具盛饌以養親之口體何足為孝哉○玄宗註曰孝以不毀為先言上三事皆可亡身○大義曰事親者至此此戒之以不善也

子曰五刑之屬三千罪莫大乎不孝直解曰孔夫子前面幾章都是教人行孝這一章整截人休要不孝○呂刑曰墨罰之屬千劓罰之屬五百官罰之屬三百大辟之罰其屬二百五刑之屬三千○五刑墨劓剕宮大辟也蔡氏書傳曰墨刻額而涅之也劓割鼻也剕刑足也宮滿刑也男子割勢婦人幽閉閉於室使不得出也大辟死也辟法也○大義曰墨者

刺字而涅之以墨劓截其鼻刑罰之條目雖如此多而罪之至大者無過於不孝○吳註刑施于有罪者然三千條之中不孝之罪為最大○孝經集解曰屬條目也○彙註曰此因上文不孝及之刑者治道所不廢誅不孝以驅之于孝也要君者無上吳註要君謂魯東之使從已○朱申曰君者臣之所稟命而敢要索之是無上也非聖人者無法朱申曰聖人制作禮法而敢非毀之是無法也○中江氏曰非聖人謂不尊信也所謂侮聖人之言是也非孝者無親董氏曰人莫不有父母也而敢以孝道為非是無親也○非孝者無愛敬真心是無親也

此大亂之道也。彙註曰：人必有親以生，有君以安，有法以治。而後人道不滅。國家不亂，若三者皆無，豈非大亂之道乎？正義曰：言人不忠於君，不法於聖，不愛於親，此皆為不孝，乃是罪惡之極。故經以「大亂結之也」。○人有此三罪者，人道滅矣。故曰：大亂之道，道謂所由行也。○董氏曰：三者又以不孝為首。蓋孝則必忠於君，必畏聖人之法矣。

子曰：教民親愛，莫善於孝。孝於父母，乃親愛之本。故教民親愛，莫加於孝也。朱申：○孔安國曰：欲民之相親愛，則無善於先教之，以孝也。

教民禮順，莫善於弟。朱申曰：弟於兄長，乃禮順之本。故教民

禮順，莫加於弟也。○宋正義：孝弟俱為君身自行言。君能行孝弟，則民效之，皆親愛其君，以禮順從其長也。又曰：親愛民親於君而愛之，禮順民禮於長而順之。

移風易俗，莫善於樂。直解曰：要移易百姓不好的風俗，做好

的風俗，無過于那音樂可以化人。○上行下效，謂之風。民志一定，謂之俗。○吳臨川曰：風者上之化，所及俗者下之習。所成移，謂遷就其善，易謂變去其惡。由父子之和而被之聲容，以為樂，則氣體調暢，而無有乖戾。所以風隨上遷，俗自下而變也。

安上治民，莫善於禮。玄宗註曰：禮所以正君臣父子之別，明



男女長幼之序故可以安上化下也○安謂不危治謂不亂  
得其序之謂禮禮有上下尊卑之分則森嚴而無有陵犯所  
以為上者不危為民者不亂也○大義曰此經本以孝為要  
道而四者之中孝又為要孝于親必悌于長孝悌之人心必  
和順和則樂也順則禮也四者相因而舉有則俱有矣

禮者敬而已矣 而已矣者竭盡無餘之辭也○吳註又承上  
文禮字而言禮之實不過敬而已○朱申曰禮有本有文而  
敬為禮之本○孔安國曰禮主於敬經禮三百威儀三千皆  
殊事而合敬

故敬其父則子悅敬其兄則弟悅敬其君則臣悅 直解人能

自家敬其父親則凡為人子的心都歡喜能自家敬其兄長  
則凡為人弟的心都歡喜能自家敬其君主則凡為人臣的  
心都歡喜○吳註居上者自敬其父兄君則下之為人子為  
人弟為人臣者效之各皆惟悅以事其父兄君矣○悅理義  
之悅我心之悅也○中江氏曰悅謂愛敬之真心感通而興  
孝也○上老老而民興孝上長長而民興弟是也

敬一人而千萬人悅所敬者寡而悅者衆此之謂要道 正義  
曰一人謂父兄君千萬人謂子弟臣也○吳註曰夫上之自  
敬其父兄君也所敬者不過一人若是其寡也下效之而和  
悅于其父兄君者乃至千萬人焉若是甚衆也此所以為道

之要○正義前所言先王有至德要道者皆此義之謂也○  
下說一人指其父而言敬其兄敬其君亦皆愛敬父之推而  
所謂兼之者父也畢竟統於敬父一人而已矣故結之以敬  
一人而示一本之蘊焉千萬人指天下之為人子弟臣者而  
言

子曰君子之教以孝也非家至而日見之也 言在施得其要  
家指天下之家○吳註以孝教天下之人者不待各至其家  
日見其人而語之但上所行下自效之耳○直解曰不是家  
家行到而諭日自相見而誨之只是自家行孝百姓都化了  
教以孝所以敬天下之為人父者也教以弟所以敬天下之為

人兄者也教以臣所以敬天下之為人君者也

吳註孝施于兄則為悌施于君則為忠同上順德也上之人  
躬行孝悌忠以教則天下之人無不效之而各敬其父兄與  
君是上之人自敬其父兄君者乃所以敬天下之為人父為  
人兄為人君者也○彙註自敬其父兄與君是即教天下以  
子弟臣之道也○中江氏曰臣謂臣道則忠敬也忠本孝中  
之一端故所以事家人嚴君之敬所以教臣也經曰以孝事  
君則忠此意也

詩云豈弟君子民之父母 吳註詩大雅洞酌之篇豈樂也弟  
易也躬行孝悌忠之德者樂易之君子也人皆效之而各敬

其父兄與君是足以為民之父母○直解曰君子將和樂平易的道理化百姓百姓都將做父母一般敬愛他

非至德其孰能順民如此其大者乎 直解曰孔子又解說引

詩的意思○中江氏曰順字乃指上文子牙臣之悅而言民指天下之人如此指上文教化○吳註非孝之至德其何能

達此一順之德于天下之大乎○正義曰言樂易之君子能

順民心而行教化乃為民之父母若非至德之君其誰能順民心如此其廣大者乎

子曰昔者明王事父孝故事天明事母孝故事地察 正義曰

明王明聖之王又曰與先王一也又曰白虎通云王者父天

母地此言事者謂移事父母之孝以事天地又曰明天之道

察地之理○中江氏曰子曰仁人之事親也如事天事天如

事親由是觀之則聖人之一言一動皆事父母之孝而事天

地之明察也○語類朱子曰明察是彰著之義能事父孝則

事天之理自然明能事母孝則事地之理自然察○董氏曰

易曰乾天也故稱乎父坤地也故稱乎母父有天道母有地

道王者繼天作子父天母地凡其所以事天地之道亦不外

事父母之道而已又曰明字氣象大聰明睿知無所不照察

則工夫細文理密察無所不周○朱申曰事父母孝則明察

於事天地之道矣○孔安國曰事天地不失其道則天地之

精爽明察也一說○吳註此言孝之推也王者事父母于宗廟而孝故事于郊社亦明察也蓋事天如事父事地如事母能事父母則知所以事天地矣明察謂于其禮其義能精審也

長幼順故上下治中江氏曰長幼謂天子所長所幼也長其長幼其幼能和睦而無所乖戾此之謂長幼順上下泛指天下尊卑長幼而言治謂安其分而不亂也○吳註此言悌之推也悌于家而長幼之序順故自國至天下皆興悌而上下之分不亂也○朱申曰長有上之道幼有下之道故長幼順而上下治也○董氏曰長幼順蓋就事父母推之

天地明察神明彰矣朱申曰事天明事地察○朱鴻曰神明即天地之神明彰即化土之彰顯若天時順而休徵地道寧而感若是也○正義神明之功彰見謂陰陽和風雨時人無疾厲天下安寧也吳註曰天地之神而曰明者言雖幽而顯也  
故雖天子必有尊也言有父也必有先也言有兄也先者先而敬之也○大義曰必有尊也言有父也因事父事母孝二句必有先也言有兄也因長幼順一句誰無父母兄長皆可為孝示○吳註由上文長幼順之義○註疏父謂諸父兄謂諸兄諸儒依之○孫本曰繼世而立固無生父生兄可事而宗廟

之中事死猶生也○直解只作父兄而看彙註大義同

宗廟致敬不忘親也修身慎行恐辱先也吳註申上文事父

孝事母孝之義致推之至極也謂天子宗廟之祭極盡其敬

者不忘其親也謂之親者視如生存也此事親之孝平居修

身謹慎所行者恐辱其先也謂之先者念所本始也此立身

之孝祭時知所以事親而平日不知所以立身亦未得為孝

也

宗廟致敬鬼神著矣吳註致敬于宗廟則父母之鬼神著矣

著猶祭義致愨則著之著如見所祭也人鬼而曰神者言雖

屈而伸也○玄宗註事宗廟能盡敬則祖考來格享於其廟

故曰著也○案著照著而不可掩也所謂微之顯洋洋乎如

在其上如在其左右是也

孝弟之至通于神明光于四海無所不通吳註通感格而無

隔礙光謂變化而有光輝由宗廟事父母之孝充之以事天

地而神明彰此孝之至而通于神明也由一家長幼順之悌

充之以治國平天下而上下治此悌之至而光于四海無所

不通也○太義曰自充吾一念之孝弟而至其極則其幽也

可以通于神明其顯也可以光于四海○中江氏曰弟亦孝

中之一件而已故雖孝弟兼舉孝上重者

詩云自西自東自南自北無思不服吳註思語辭○孔安國

云詩太雅文王有聲之章也美武王孝德之致而四方皆來服從與光于四海無所不通義同故舉以明此義也○朱申曰無不心悅而誠服者○正義曰夫子述孝悌之行愛敬之美既畢乃引詩以贊美之夫從近及遠四方皆感德化以明無所不通

子曰君子之事親孝故忠可移於君 玄宗註以孝事君則忠正義曰經稱君子有七已上五者皆指於聖人君子之事親孝君子之事上皆指於賢人

事竟悌故順可移於長 玄宗註以敬事長則順○小學大全長謂職位在已上者夫孝弟為百行源事親能孝則可移為

事君之忠矣事兄能弟則可移為事長之順矣

居家理故治可移於官 中江氏曰理謂物得其理而不亂也

治亦理也居家理謂齊家人而各得其理而不紊也治謂官

政得其理而不亂曰理曰治皆孝中之一德也○董氏曰惟

孝友于兄弟克施有政故治可移于官

是以行成於內而名立於後世矣 玄宗註脩上三德於內名

自傳於後代○吳註行即行此孝弟理二者成謂完備也必

可移而後謂之成身存而行成故身沒而名立內對外言後

對今言蓋行成於內則名立於外名立於後由行成於今也

○董氏曰名非君子所尚也又曰君子疾沒世而名不稱焉

聖人豈教人以好名哉名者實之賓有其實者必有其名苟  
沒世而名不見稱則終其身無為善之實矣是以君子疾之  
苟疾其名之不稱當常恐其實之不至而孜孜勉焉可也  
子曰止後世矣節 孫本曰上以明王之居尊位者言其孝  
可以通天地通鬼神通四海固無所不通此以士之無位者  
言其孝可以通于君通于長通于官各有所通也  
子曰閨門之內 字彙云官中門小者曰閨上圓下方如圭故  
曰閨門○朱申曰閨小門也言一家之中也○木義曰上章  
言以治家之道而推之于國此章又以治國之道而施之  
于一家

具禮矣乎

禮理也治國之道理無不具備有如下文所云

嚴父嚴兄

尊嚴其父即事親之孝也所謂孝者所以事君也

尊嚴其兄即事兄之分也所謂弟者所以事長也

妻子臣妾猶百姓徒役也

朱申曰一家之中有妻子臣妾猶

一國之中有百姓徒役也○百姓謂百官也○按周禮六官

之屬各有徒註曰民經徭役者疏曰徒食五人祿其官亞士

故號庶人在官者也役使也徒役謂庶人之役使於官者也

○朱子曰此因上章三可移而言嚴父孝也嚴兄悌也妻子

臣妾官也○木義曰恐其閨門之內狎恩恃愛易以流于親

愛昵比之私故謂雖處閨門之內一國之理實具焉嚴父有

君之道嚴兄有長之道妻子臣妾即百姓徒役也以此施之則義有以制私尊卑內外整然其有條理矣此實治家之要道也

曾子曰若夫慈愛恭敬安親揚名 疏曰愛出于內慈為愛休敬生于心恭為敬貞○慈愛恭敬如愛敬盡於事親之類安親是安親心也五備之孝亦皆所以安親也揚名即揚名於後世也

參聞命矣 曾子稱名曰已聞教訓之命矣

敢問從父之令可謂孝乎 大義曰敢問為人子者一以順從為孝然則父母有命令將不問可否而悉從之然後可以為

孝乎○案曾子恐父子責善賊恩且愛敬之至不忍於輕違逆所以有此問

子曰是何言與是何言與 朱申曰此是何等言語與言不得為孝也○疏云再言之者明其深不可也○大義曰見非而從成父不義夫子故重言是何言與以戒之○吳註孝子於親有從順而無違逆然親有過而亦從順則陷親於不義矣故必下氣怡色柔聲以諫諫若不入起敬起孝悅則彼諫二諫不聽則號泣而隨之庶可以感悟其親也

言之不通也 此一句今文欠之○朱申曰其言不達於理昔者天子有爭臣七人雖無道不失其天下諸侯有爭臣五人



雖無道不失其國大夫有爭臣三人雖無道不失其家  
玄宗註爭謂諫也○吳註爭諫止其非若有爭然○天子七  
諸侯五大夫三降殺以兩舊說以為諫官之定數董氏曰非  
必以數拘也○真氏曰無道而不失天下國家者蓋于失道  
必爭之雖失而旋復所以免于危亡也○韓詩外傳云天子  
有爭臣七人云云昔殷主紂殘賊百姓絕逆天道然所以不  
亡者以其箕子比干之故也微子去之箕子執囚為奴比干  
諫而死然後周加兵而誅絕之諸侯有爭臣五人云云吳王  
夫差為無道然所以不亡者有伍子胥之故也子胥死後三  
年越乃能攻之大夫有爭臣三人云云季氏為無道僭天子

然不亡者以再有季路為宰臣也故曰有諍之爭臣者其國  
且有默之諛臣者其國亡  
士有爭友則身不離於令名司馬公曰士無臣故以友爭○  
令善也  
父有爭子則身不陷於不義陳選曰父有爭子通上下言之  
不義則無道也  
故當不義則子不可以不爭於父臣不可以不爭於君董氏  
曰君有過則諫三諫而不聽則去於友則忠告而善道之不  
可則止又曰事父母幾諫見志不從又敬不違勞而不怨起  
敬起孝悅則彼諫必其從而後已此又有非臣與友之所得

為者天子諸侯大夫士之子均為子也均愛父也父若有過  
子必幾諫無諉之諍臣諍友可也夫子是以總言之曰云云  
先父子而後君臣其旨深矣限去為文限於君而後言  
故當不義則爭之從父之令焉得為孝乎董氏曰所以結一  
章之旨而終是何言與之義也○焉得為孝乎反言者所以  
甚戒之也○彙註曰夫子常言在醜不爭如今時做爭子爭  
臣豈是面折君父肆無忌憚○案雖以當不義則爭之為孝  
而直諫違逆亦不孝也見祭義論語內則曲禮之語而可看  
祭義曰父母有過諫而不逆○論語曰事父母幾諫見志不  
從文故不違勞而不怨○內則曰父母有過下氣怡色柔聲

以諫諫若不入起敬起孝說則復諫○曲禮曰子之事親也  
三諫而不聽則號泣而隨之

子曰君子之事上也承上文論爭臣而說○正義曰此章君  
子之事上指於賢人君子也○玄宗註上謂君也○朱鴻曰  
人臣事君之忠咸本于事親之孝故求忠臣必于孝子之門  
大學謂孝者所以事君也諒哉後世有作忠經以擬孝經徒  
知忠孝並稱不知忠本于孝而移孝斯可為忠也

進思盡忠退思補過疏曰盡心曰忠○陳選曰無一時一念  
之不在君也○吳註進謂自私家而適公所退謂自公所而  
歸私家盡忠謂事有當陳者聲竭其心補過謂責有未塞者

彌縫其闕。○玄宗註進見於君則思盡忠節君有過失則思  
補益。○疏云退朝而歸常念己之職事則思補君之過失。○  
疏曰詩大雅烝民衮職有闕惟仲山甫補之毛傳云仲山甫  
補之善補過也。○吳註澄按宣公十二年晉荀林父為楚所  
敗歸而請死士貞子諫曰林父之事君進思盡忠退思補過  
其敗如日月之食於是晉侯使復其位補過謂自補其過非  
謂補君之過。刑氏曰韋註云退歸私室則思補其身過國語  
士朝而受業晝而講貫夕而習復夜而計過。○直解曰這一  
章是為子的出去服事君主移孝為忠的道理。  
承順其美匡救其惡。真西山曰將猶承也。○陳選曰有善焉

承順之使之益進於善。○美善也將助也相如傳補過將美  
○吳註將謂助之於前順謂道之於後匡謂正之於微救謂  
止之於顯其指君而言。○大義曰忠臣事君如孝子之事親  
一念之善則助成之一念之惡則諫止之。  
故上下能相親也。吳註曰下以忠事上上以義接下故相親  
正義曰如此則君臣上下情志通協能相親也。陳選曰臣以  
忠愛而親其君君亦親之。○中江氏曰能字有力假令雖相  
親不由道義則不可謂能也。  
詩云心乎愛矣遐不謂矣中心藏之何日忘之。詩小雅隰桑  
篇朱傳曰遐與何同謂猶告也言我中心誠愛君子而既見

之則何不遂以告之而但中心藏之將使何日而忘之耶○  
 玄宗註遐遠也義取臣心愛君雖離左右不謂為遠愛君之  
 志恒藏心中無日暫忘也諸註同之○彙註引詩言為臣的心既  
 愛著君主可見他必匡救其過若是不曾去救救之不得實  
 實放心不下憊之在念何由忘懷  
 子曰孝子之喪親也 孔氏曰父母沒斬衰居憂謂之喪親○  
 玄宗註生事已畢死事未見故發此章  
 哭不偯 大義曰哀痛之極發于聲為哭○吳註偯聲從容而  
 有餘也禮記間傳云大功之喪三曲而偯此父母之喪哀痛  
 之極故其哭也氣竭而息無復餘聲

禮無容 吳註舉措進退之禮不脩飾為容儀  
 言不文 吳註有事直致其言不治擇成文辭  
 服美不安聞樂不樂食旨不甘 吳註身服美衣不以為安故  
 服惡衰耳聞樂聲不以為樂故不聞樂旨味之美也口食美  
 味不以為甘故不飲酒食肉  
 此哀戚之情也 吳註此六者皆孝子哀戚之真情自然而然而然  
 三日而食 檀弓上曰君子之執親之喪也水漿不入於口者  
 三日○吳註親死水漿不入於口三日乃食粥疏曰記間傳稱  
 斬衰三日不食此云三日而食者何也劉炫言三日之后乃  
 食皆謂滿三日則食也

教民無以死傷生。具註此教民無以親之死而傷子之生也。與不滅性。朱申曰雖毀瘠其形而不使滅性而死。○直解雖是悲哀毀壞形貌却不要滅了性命。○具註喪雖哀毀不可殞滅其性而死必為之節。故居喪之禮不沐浴不酒肉然頭有創則沐身有瘍則浴有疾則飲酒食肉年五十者不致毀六十者不毀。

此聖人之政也。此指上文。○具註此皆聖人之政為民制禮節哀而全其生也。

喪不過三年示民有終也。疏禮記三年間云夫三年之喪天下之達喪也喪服四制曰此喪之所以三年賢者不得過不

肖者不得不及檀弓先王制禮也過之者俯而就之不至者跂而及之也。○朱鴻曰孝子值親之喪有終古淪心之痛哀豈能遽止哉然情雖無窮制則有限喪服不過三年示民有竟之期無賢愚貴賤一也。○程子遺書曰喪止於三年何義曰歲一周則天道一變人心亦隨以變惟人子孝於親至此猶未忘故必至於再變猶未忘又繼之以一時為之棺槨衣衾而奉之。說文棺關也所以掩屍也槨外棺也疏抄曰檀弓衣足以飾身棺周於衣槨周於棺土周於槨衣謂襲與大小歛之衣也衾謂單被覆尸薦尸所用從初死大歛凡三度加衣也一是襲也謂沐尸竟著衣也二是小歛

之衣也衣皆有絮也三是大飲也衣皆禪衽也○吳註尸之外衣衣之外衾以襲以飲衾之外棺棺之外槨以飲以殯奉謂舉尸加其上納其中也

陳其簋盛而哀戚之玄宗註簋盛祭器○吳註此言朝夕朔望之奠簋盛稻梁器外方內圓簋盛黍稷器外圓內方按士喪禮朝夕奠脯醢而已盛以遵豆朔月殷奠始有黍稷盛以凡敦卿大夫祭禮少牢饋食亦止用敦盛黍稷以公食大夫禮推之竊意天子諸侯之殷奠乃備黍稷稻梁而器用簋此傳所云蓋舉上而言之也○玄宗註陳奠祭器而不見親故哀感也

擗踊哭泣哀以送之孔氏曰男踊女擗○吳註擗以手擊胸也踊以足頓地也哭者口有聲泣者目有淚此謂柩行之時送形而往哀其不返也

卜其宅兆而安厝之吳註卜灼龜以視吉凶也宅墓穴也兆塋域也厝猶置也將置柩於其處必視生氣無地風水泉沙礫樹根蝼蟻之屬及他日不為城郭溝池道路然後安卜者決之於神也不卜則擇之以人葬書備言其術之理可墊焉中州土厚水深不擇猶可備方土薄水淺凡地不皆可葬苟非其地尸柩之朽腐敗壞至速與葬而委之于壑同孝子之心忍乎先擇後卜尤為謹重所謂謀及乃心謀及士民而後

謀及下筮也按士喪禮筮宅卜日大夫以上則葬日與宅兆皆用龜卜或亦用筮此云卜蓋通言之

為之宗廟以鬼享之中江氏曰案王制祭法官師已上皆立

廟庶人無廟祭於寢此舉宗廟以包祭于寢者也○朱申曰

以鬼享之以鬼神之禮而享祀之○吳註初喪至葬有奠無

祭蓋猶以人禮事之既葬迎精而反乃以虞祭易奠卒哭而

柩于祖喪畢而遷于廟始純以鬼禮事之享者祭祀人鬼之

名

春秋祭祀以時思之朱鴻集解四時皆有祭獨言春秋者省

文耳○吳註既除喪每歲四時感時之變思親不忘報本及

始事之如生存言春秋則包四時矣○玄宗註寒暑變移益

用增感以時祭祀展其孝思○祭義曰霜露既降君子履之

必有悽愴之心非其寒之謂也春雨露既濡君子履之必有

怵惕之心如將見之感時思之如此故

生事愛敬死事哀戚生民之本盡矣死生之義備矣太義曰

此又合始終而言之以結一書之旨○玄宗註愛敬哀戚孝

行之始終也○吳註親生則事之以愛敬親死則事之以哀

戚生死皆致其孝然後足以盡生民之本備死生之義民之

生也心之德為仁仁之發為愛愛親本也及人末也故孝為

生民之本義者宜也生而愛敬死而哀戚理所宜然故曰死

生之義。○中江氏曰。人之有孝德。猶木之有根。故以孝為生  
 民之本。盡至其極。而無遺之謂與。盡性之盡。同。未也。故孝  
 孝子之事親終矣。大義曰。養生送死。其義為大。於此備矣。至  
 此則孝子之事親。其道終矣。又曰。夫有生必有死。有始必有  
 終。生事以禮。死葬以禮。祭之以禮。則可謂孝矣。故曰。死生之  
 義備矣。孝子之事親終矣。○生事葬祭無所不周。孝子之事  
 終矣。○生事受敬以下至此。孝經一篇之結語也。其作喪親  
 一節之結語而講。

寬文四稔甲辰九月吉日

長尾平兵衛國板



